

TITULO PH.D PA HOBEN SCIENTIFICO ARUBANO GERRY BENNETT



parti di e compania Monsanto. Gerry a keda un aña so na North Eastern University na Boston y a haña e conseho academico - basa riba su prestacionnan y alto nivel di inteligencia - pa inscribi na e famoso Massachusetts Institute of Technology (MIT).

MIT ta un instiuto academico di fama internacional, reserva pa studiantenan cu prestacionnan unico y excelente. E instituto conoce un seleccion academico hopi pisa mes.

Durante su estudio na North-eastern University Gerry a wordo nomina pa wordo inscribi riba e famoso lista academico pa studiantenan brillante, esta e 'Deans list' y su nominacion a wordo debidamente realiza.

Gerry a haña e oportunidad pa wordo inscribi na MIT (Massachusetts Institute of Technology) di Universidad di Cambridge. Na Juni di 1990 el a obtene su Bachelor's of Science den chemical engineering na e prestigioso Insituto aki cu ta internacionalmente renombra. Na September di e mesun aña e estudiante brillante aki a logra e titulo di Master of Science den **CHEMICAL ENGINEERING PRACTICE**.

E parti final di su estudio el a concentra hopi mes riba diseño y tecnologia di separacion den e proceso nan quimico.

Gerry Bennett, durante su periodo di estudio na MIT a trece hopi di e teorinan di su estudio den practica. Esaki tabata forma un parti esencial di su inscripcion na MIT pa obtene su masters. E hoben científico Arubiano a traha na e empresanan mundialmente re-

nombrá manera DOW Chemical na Midland, Michigan y na General Electric na Albany, New York. Na ambos compania-concern el a traha como consultant. Su contribucion científico na ambos concern tabata riba tereno di research.

Riba tereno di investigacion científico Gerry a trece hopi di e teorinan cu el a studia den practica. Ya na aña 1987 na luna di Juli el a keda integra na e Bio-technology Process Engineering Center na Massachusetts Institute for Technology (MIT) unda el a traha como asistente di research. Aki el a diseñá un programa di computer cu por wordo conecta riba e sistema di ASPEN. E programa aki tabata destina pa produccion di un cierto producto, Xanthan gum, cual por wordo procesa na un manera hopi eficiente. Na 1989 Gerry a keda incorpora na e departamento di Material Science na MIT. Aki el a labora riba

proyectonan sofisticada hunto cu científiconan di otro centronan di estudio riba tereno di tecnologia quimico. Su trabaonan aki a concentra riba aplicacion di un tecnologia cu ta haci uso di e sistema di centrifugacion. Un tereno altamente avanza cu ta rekeri alto conocimiento di e tecnologia quimico.

Gerry Bennett, durante su periodo di matriculacion y estudio na Universidad di Texas, Austin, - manera ta e caso cu científiconan cu ta dedica cu amor hopi tempo na nan disciplina científico y profesion - a comparti esaki tambe cu otronan pa medio di publicacionnan den revistanan renombra manera Journal of American Chemical Society, Journal of Physical Chemistry, y Analytical Chemistry. Pa loko ta sistemanan di computer y pro-


gramanan, Gerry ta conoci cu C. FORTRAN, BASIC, MINITAB, ASPEN, PROCESS y tin basta experiencia cu VAX, UNIX, Macintosh y Computernan cu ta traha riba DOS. Na Merca Gerry ta miembro di American Institute for Chrmical Engineers, di American Chemical Society.

E hoben Arubiano aki ta actualmente na Merca ainda. E tin hopi deseo pa bin traha na Aruba y bin duna un contribucion na desarroyo di su pais. Promer cu el a termina su doctorado (Ph.D.) el a tuma contacto cu algun planta na Aruba. Lamentablemente e no por a haña un contesta positivo. Su deseo grandi pa bin labora na Aruba ainda tey y talvez cu e deseo aki por wordo cumpli e aña aki.

ORANJESTAD (AAN) --
- Gerald Edward Bennett, jiu di e conocido musico, arreglista, compositor y cono-cedor di e musica jazz, Eddy Bennett (q.e.p.d.) y sra. Nena Bennett, a defende su tesis riba tereno di ciencia y tecnologia quimico (chemical engineering) existosamente pa logra haña e titulo di Ph.D. (Doctor in Chemical Engineering) na Universidad di TEXAS den e ciudad Austin na Estados Unidos.

E investigacionnan di Gerry Bennett a concentra riba "experimental and theoretical studies of molecular interactions, reactions and thermodynamics of supercritical fluids with emphasis in supercritical water".

Gerry naci riba 18 di maart 1966 a bishita Colegio Arubano unda el a gradua na 1986. Den e mesun aña el a sali pa Merca unda el a inscribi na Northeastern University na Boston, Massachusetts. Su resultadonan di prestacion na e Universidad aki tabata asina excelente cu el a wordo ofreci un stipendium (un premiacion academico pa stimula studiantenan cu prestacionnan excepcional) di



Telefon di **DIARIO**
26747

tempo

TEMPORARY MANPOWER

**ACTUALMENTE NOS TIN OPPORTUNIDAD
PA TRABOUW DEN E SIGUIENTE RAMONAN:**

Houseman

Gardener

**Data entry clerk
cu experiencia**

**Activity Clerk
educacion di turismo**

**Insurance Representative
mester tin assurantie B-diploma**

Wilhelminastraat 19, Suite O, Oranjestad

Tel: 27121 / 27115, Fax: 27221

B. v.d. Veen Zeppenveldstraat 75a, San Nicolas

Tel: 44568 / 44569, Fax: 44566

COCA COLA
ta presenta



Awe Diabierna 19 di Januari
den Surfside

Super Ladies Night

Cabayeros Afl. 10,- cu diferente miniteca